

沿革

荆南境漢至唐五代為百蠻蠻地苗蠻九種聚族而居各分渠首為肆凡
 子童以持宋姓置葛州為 路宋元屬慶遠致之南 女安持司後為家皮雷三王
 苗分持明洪武元年滅三姓土著以其地并入慶遠府之思恩縣十七年仍持置葛
 孫為慶遠府宏治間為十七年持由十七年置方村葛村窮來村三地檢司改為慶
 遠府之河池州正德元年後改司為縣仍屬河池州明末割歸慶州都司 國朝順治十
 六年後隸慶遠縣正十年改歸慶州都司治乾隆元年增設方村縣一

建置表

唐虞夏商

周

秦漢晉六朝隋唐宋元

宋


荆州南境

百裡溪洞地

後思南四縣

葛州南境

慶遠府





里來時

里石蒙

附城東
南郭

附城西
北郭



北

我蒲里

范輝里

北城去三十里

西城南二十里

田

田

聯瑞臺里

聯巴弓里

聯家石里

聯樹情里

聯董界里

聯蒙石里

聯特米里

北

聯巴家里

聯特米里

東

東



方村里

董界里

去城西
北五十
里

去城西南
四十里

西

西



界有勤者州丹南西董界

界有勤者州丹南西董界

西



界有勤者州丹南西董界

东

东

里慶遥



里乃巴

去城東
五十里

去城西
五十里

伍

伍



瑶臺里

周情里

去城西
北七十
里

去城北
七十里

西

西

聯方村里

聯瑤臺里

聯蒙石里

州山
界西
高里
高里
高里

里婆水

水利

古營盤

乾河橋

水利

鐘山

拉流橋

拉花鋪

里石婆水

聯花
里

聯州情里

聯久遠里

東

東

東

東

聯

里洞

火 邊 里


水 婆 里

去城東
北八十
里


去城北
八十里

甲

甲



甲



東

楊 橋 里



三 洞 里

去北城
里九十里
西

去北城
九十里

田

田



東


東

邑容里

陽安里

去城東
一百里

去城北
一百里



東

東

北

北

荔波縣志稿

沿革

縣古荊州南境漢至唐五代為百粵溪洞地苗蠻各種聚族而居各分渠為垵凡十有六垵宋始置荔波州屬二路元屬慶遠路之南丹安撫司後為蒙來雷三土酋分據明洪武元年滅三姓土酋以其地并入慶遠府之恩恩縣十七年仍析置荔波縣屬慶遠府宏治間改土歸流易十六垵為十六里置方村蒙村窮來村三巡檢司改屬慶遠府之河池州正德元年復改司設縣仍屬河池明末割隸貴州都司國朝順治十六年復隸慶遠雍正十年改隸貴

荔波縣志稿

州都勻府乾隆元年增設方村縣丞一

建置表

唐虞夏商 荊州南徼

周 楚之南境

秦漢晉六朝隋唐五代 百越溪洞地

宋 嶺南西路

荔波州 開寶三年置屬慶遠府

元 廣西行中書省

荔波州屬慶遠府之南丹溪洞等處安撫

司

蒙皮雷三姓土司割據

明

廣西承宣布政使司

思恩縣 洪武元年減三姓土司併入慶

遠府之恩恩縣

荔波縣 洪武十七年仍析置廣慶遠府

巡檢司 宏治間改土歸流裁縣置方村

蒙村窮來村三巡檢司改屬慶

遠府之河池州

荔波縣 正德元年復改司設縣仍屬河

池州增設縣典史明末割隸貴

荔波縣志稿

十

州都司

國朝

貴州布政使司

荔波縣 順治十六年仍隸廣西慶遠府

雍正十年改隸貴州都勻府乾

隆元年增設縣丞一

東至黎平府古州下江廳滾通界一百三十里 西至獨

山州三靖界廣西南丹州綠林界七十里 南至南丹州

者勒哨界一百里 北至都江廳河東界一百三十里

東南至廣西思恩縣界牌界九十里 西南至南丹界牌

界六十里 東北至古州廳潘家灣界一百二十里 西

北至獨山州棠峇界七十五里 東西廣二百里 南北
袤二百三十里

由縣至都勻府城二百六十里 至貴州省五百里 至
京七千六百六十里 附郭西北為蒙石里

附郭東南為時來里 東一百里為已谷里 西五十里
為已乃里 北三十里為義滿里七十里為周情里八十
里為水婆里九十里為三洞里一百里為陽安里 東南
五十里為遠慶里 西北二十里為苑輝里四十里為董
界里 西北五十里為方村里七十里為瑤台里九十里
為楊鳳里 東北八十里為久遠里凡十六里

荔波縣志稿

山川

山自獨山州之爛土司入陽安里折而西北經瑤台過方村又折而西并楊鳳里折而東趨蒙石里之巴嶺度樓梯坡至玉屏山始脫巖險成土阜蟬聯小岡南北十里當江之大曲縣治立焉玉屏俗稱登高坡後為碧雞山俗稱雞窩冲北去為水巖未移縣時往來道由此康熙二年水岩苗戕官勦時苗竄避崖洞中因火焚之色今尚赤漸稱紅巖玉屏下為小玉屏回子坡黃泥坡右為武庫山將軍山龜山俗名為賴崗里許為獅子崖又三里為時會均遭治

荔波縣志稿

四

後道由之有梨花井上有亭館北來險盡於焉小息又四里有偏崖一石若倚蓋可列蔭三四十人往來多憩其下喇軫舊城負東山山右為白崖山壁立臨江如萬丈積雪崖下有洞曰白崖洞無徑去去必以舟下有潭中有珠大如蒲團村人往往夜分見其出光耀四照亭亭上峯頭橫過東山移時復轉白崖而下沒又或見一牛昂首水面者洞右有洞具前大石踞水中道光間有老漁翟義者言自乾隆中即坐石上釣至嘉慶時石左側在下右側在上今乃面而底底面矣石蓋自轉也對岸有石宛似鵝舊傳向有雌雄二相去數丈漁者每夜見二鵝浮水面逐之旋沒

雍正間為某官碎其一縣歲貢鄧而亨言在京都見一書
內一條云明嘉靖時某知荔波縣事書法絕佳有墨迹四
函後以事去官藏之荔波山洞其門生某知之即營得知
縣分發廣西委署荔波搜尋年餘不得辭官去此人癖書
乃爾今所藏想朽腐矣或即在白崖左右耶

東山沿江北岸層疊聳翠逶迤西屈當江南去處突擁如
虬如獅曰回龍山上有西峯閣亦曰回龍閣其左三峯排
列曰筆架山旁有文筆峯

方林山在水婆里其頂有方池深碧不可測與爛土司聯
界去城西北八十里通志謂在城北三十里自禊村計之

水巖山在城北三十里蒙石里水巖村懸崖百尺洞高敞
容百許人左深暗不測右下一小洞出清泉甘而冽近村
人家仰之通志謂有水從巖中出四時不竭者也

永長山俗名轆扛坡在城北九十里三洞里高峻而橫長
故名通志謂在城東七十里以禊村計之

莪嶺即方村建治處見通志荔波地相沿稱捧莪或云因
此而喇軫城在前其側有板莪村渡捧板音又近不能決
也

唐賀山在城西十里葩輝山下有巨洞洞內有潭冬竭夏
漲外有塘時消漲昔一年不消溢流損稼播用村民覃鍾

吉者頗^經常步行水面一日和衣入塘衆視水漸消移時
出曰有數怪石塞消處皆除之矣袖出七石子大如杯家
故有一巨斧歸輒以石子磨之近山江岸有龍王廟村民
極靈之歲必祀以童男女廟下有蛇長二丈大盈抱每出
臨岸江中金色魚長三尺者數十朝之一日吉持斧入廟
左手扼龍王項石舉斧呵曰更須童祀否梁間應曰何以
祀我曰牛應曰諾自後用牛祀蛇魚不復見也俗傳歐官
蒙官其神後先駐洞中歐官者古金塞人幼多竒行嘗與
鄉人釀金祀神肉入釜矣噎忘買鹽夷恒不食鹽難之歐
曰思恩方趕圩吾市歸湯未沸曰旁午道且二百里即取

爨下一薪去道值插秧者問奚適告以故衆亦笑之旋脫
兩扉置田中去衆見雙鯉爭捉之忽不見旋搗鹽至著扉
歸肉猶未熟也後自圩來者傳昨一人插一薪圩頭石上
衆不能拔云沒後巫師謂其神駐此祈者輒驗蒙官西郭
外人生時道人禍福即應四方爭神之日酬以牲酒常忽
啞血衆驚懼曰某里某殺牲祀我也偵之果然死後如歐
官也

莪陽山在城東北十許里上有洞口間一巨石左右僅容
人入中寬平高朗砌一圓池緣以石路天光常透滿地水
珠清寒之極口上朱書洞天福地四字山麓後有一小洞

中時有樂音舊稱洞中仙樂

水根山在城東南三十里遙慶里羣山至此四面峭峻無路可出此山之麓開一洞高廣約二丈許修七八丈兩口光入相接因名文明洞俗呼穿洞赴兩廣者道必由此

巴嶺在城西北二十五里嶺下居人多壽考中間平地突

起一峯峯腰虛敞玲瓏斷續前後明透內石具諸物形外則古藤怪木上下絡映洞口高絕朱書清虛靈洞四字奇

古無欵俗稱仙人洞石洞少淺白西花園腰有嘯風亭

擁雲山在城北四十里楊鳳里疊勢若雲上有閣拉寨寨

結諸村旁有麓

荔波縣志稿

七

慕唐山在城西五十里董界里有洞曰飛雲洞龍江至板檀伏流經刺眼寨至此而出怪石翻濤盛夏肌粟俗稱內曰黑洞外曰亮洞

板檀山在城西七十里巴乃里下有洞中立一巨石龍江經拉鷗至此瀾翻數丈而入

筆降山在城東八十里巴容里下有水為南境界牌河一源

霸王山在城東北八十里久遠里斗峭極行者苦之下有

水為玉帶河一源

合印山在城東一百里巴容里高出萬山上有神農祠合

印溝水出其下

大小教山在城東一百里巴容里

摩天嶺在城東六十里巴容里極高

高黑嶺在城北九十五里瑤台里

大坳在城東五里前五里為清風坳有泉出石罅行者甘之

望城坡在城南六里往廣西道所由

巴松坡在城西北四十里方村里下有龍井

甲良坡在城西北七十五里獨山荔波分界處

上十里坡下十里坡在城東北八十里久遠里行至絕頂

荔波縣志稿

八

目盡黔粵

荔波縣志稿

公署

守備署

駐城千總署

分防三洞汛千總署 外委公所一

駐城把總署三 外委公所五 額外^外委公所三

分防方村把總署

以上并乾隆四年建

學校

縣舊無學校康熙二十一年知縣劉蒼始捐廉創建文廟於方村舊治之南門內時尙未設學雍正二年廣巡撫李斌題請設學知縣蘇湖即原建增修規制乃備乾隆二年遷治今城後知縣呂瑛金明基趙世倫相繼建文廟於城西大成殿東西廡櫺星門崇聖祠及泮池周牆坊壁一切如制乾隆四十五年知縣李懷宗以規制卑陋勸捐重修以鉛差去四十六年知縣吳易山(名基龍)續成之嘉慶十九年知縣蔣元禧二十三年知縣陳熙二十四年知縣武

象乾(名占熊)并有修葺道光二十二年知縣蔣時諄勸捐重修知縣謝人龍繼之至二十六年春乃成右垣外兼新建文昌宮魁星閣共費捐輸銀八千兩竒初文廟在學署左文昌宮在文廟左至是始移文廟基居舊兩廟之中而移建文昌宮于垣右云

荔波縣志稿

關隘

交明洞 在城東南三十里遙慶里為往廣西之道萬山至此攢疊懸峭無徑可出此洞中通廣谷百人而外仍峭壁信奇險也

樓梯坡 在城西北十里蒙石里內平外險為向方村往獨山之道

高黑嶺 在城北九十五里臨遙台里西北之雄障也

清風坳 在城東十里時來里兩山夾立一綫中垂

霸王山 在城東北八十里久遠里險峻無匹東北要鎮

荔波縣志稿

十一

摩天嶺 在城東六十里巴谷里與黎平分界

甲良坡 在城西北七十五里方村里峯巒叢曲微徑縈

緣與獨山分界

方林山 在城西北八十里水婆里道通爛土勢凌太空

上十里坡下十里坡 在城東北八十里久遠里極頂四

望可盡黔粵

永長山 在城東北九十里三洞里橫長亘天

福德關 在城北五里俗名時會坳

西關 在董界里西界牌河岸與南丹交界

南關 在遙慶里南界牌河岸與恩恩交界

方村關 即縣丞分治之南門通志所謂南關也

荔波縣志稿

津梁

普濟渡 在東北郭外龍神祠下舊稱渡船口雖設船無分款舟朽旋募江漲時往來病之道光十三年縣人劉秉文等二十五人捐銀一百兩生息為修船之費息餘以資龍神香火

板義渡 在東北郭外二里許板義村

迴龍渡 在西郭外二里許迴龍山下

葩輝渡 在城西二十里葩輝里

水春渡 在城東北二十里時來里

荔波縣志稿

十三

拉寨渡 在城西北四十里楊鳳里

拉鷗渡 在城西五十里巴乃里

水習渡 在城東北六十里巴容里

慕唐渡 在城西南六十里董界里

甲站渡 在城北六十里瑤台里

縣前渡 通志在城東南舊係南關外一里山溪險惡康

熙二十年知縣劉荃捐造渡船二隻即今方村

橋處也

荔波縣志稿

舖棧

自城北至獨山州共五舖

在城舖在北郭外蒙石里兵一名 又二十里花坡舖兵一名 又十五里水利舖兵一名並在瑤台里 又二十里方村汛兵一名 又二十里扁家梁舖兵一名在方村里 又三十里至獨山州雞場汛自水利舖北二十里瑤蚌舖兵一名 又二十里甲占兵一名 又二十里高黑舖兵一名並在瑤台里 又二十里至獨山州雞窩舖

荔波縣志稿

十四

自城東至都江廳共九舖

東北二十里瑤牌舖兵一名 又十五里水善舖兵一名 又十三里水錯舖兵一名並在莪蒲里 又二十里拉苑舖兵一名在周情里 又二十里水又舖兵一名在三洞里 又十三里三洞汛兵一名 又十里款樂舖兵一名 又十里箐口舖兵二名 又十里河西舖兵一名並在三洞里對岸即都江廳河東舖自城東南至廣西思恩縣界牌界共三舖

東南行入遙慶里二十里水遙舖兵一名 又三十里毛蘭舖兵一名 又二十里布祿舖兵一名 又二十

里至思恩縣界牌

自城西南至廣西南丹州界牌界共二鋪

西南行入葩輝里二十里葩輝鋪兵一名 又入董界

里三十里董界鋪兵一名 又十里至南丹界牌

荔波縣志稿

古蹟

廢喇軫城 即今呼舊城明嘉靖間知縣尹東表建明末

廢今猶存關帝廟城隍廟

廢襍村城 即今方村縣丞治順治十七年知縣王家禎

建乾隆二年徙今治

廢玉皇閣 在舊城外田壩石基尚存

廢劉公祠 在舊城失其基址明萬歷四十年羣苗建祀

知縣劉邦徵

方村廢劉公祠 在丞治康熙二十四年羣苗建祀知縣

荔波縣志稿

十六

劉茶今失基址

荔泉井 在西門外半里許嘉慶二十四年修井得碑題

荔泉井三字無年月

志感碑 在丞治觀音堂乾隆十七年宋國珍曹文遠陳

世良莫道才檢步雲楊聯章李文峻彭必進陳

世德柏世基陳大紀劉志能李廷英張雲漢胡

廷彥張雲瑞凡十六人為其師粵西張大良立

舊講理場角力場 今縣署頭門外舊名大坪子遊擊東

轅門外今名府前街未徙治時城中地皆村民田園房舍

名全寨波苗寨脚講寨者皆寨拉蔣寨凡五寨後買以連

城今東門及東北西小寨與平寨皆徙出遺民永免賦額
當時諸寨講理者聚大平角力者聚前街也

廢蒙石鋪 在西北郭外朱光斗先塋後垣址尚存

廢水巖鋪 在蒙石里水巖村

廢水浪鋪 在蒙石里水浪溝上

廢喇皆鋪 在楊鳳里喇皆村未徙治前道由蒙石鋪上

登高坡徑水巖三鋪至方村縣治乾隆二年徙治廢諸鋪

改道由時會坳具北樓梯坡古民架木梯上下名木梯磴

後漸修整今皆石級矣

羅將軍駐兵處 在城西南近羅家寨一山岡相傳明天

啟問有自稱羅將軍者不詳何來駐此言須戮盡此方人

勢猛甚各寨男女皆潛逃惟羅家寨謂同姓當不害已獨

不去後噍類無遺土人樓居下處壯畜一嬰孩偶自樓縫

墮園中適值乳犬窩犬因乳之後有見者撫之成立為今

羅寨之祖至今寨人皆不食犬肉也將軍戮諸寨時有軍

百齡者今白崖三寨之祖也長九尺多力獨戒三寨勿逃

及將軍逼近白崖百齡以石舂臼為盤出村拔三四插大

樹二株披其枝葉以稍向前石起土崩暗鳴立待將軍遠

避莫知所終百齡墓今在時來里後村近江山曲

莫四墓 在楊鳳里老場中間一土堆類小坡舊傳揚鳳

及獨山之雞場九寨一帶地向為莫氏兄弟四人分據據
楊鳳者四也故揚鳳又稱莫四堆即其墳莫姓人嘗祀之
周情里老場對坡舊營 久遠里陽拱里村外舊營及三
洞汎舊營等其址並據要害考明成化十六年爛土長官
司張鏞奏天壩于賊首糾合豐寧荔波賊萬人攻剽愈坐
於是巡撫謝杲言自天順四年以來諸苗攻劫舟溪等處
不靖至今乃命鎮守大監張成總兵吳經相機剿撫宏治
二年苗賊攻圍陽安堡都指揮劉英規之為所困命鎮撫
官往援乃得出五年命鎮遠侯顧溥巡撫鄧廷瓚往征之
七年諸軍分道進剿令熟苗詐降于賊誘令入寇伏兵擒
之賊盡平此三處皆與陽安里爛土司聯境殆明化治間
劉撫時所營也

荔波縣志稿

徵賦

原額全熟民田一萬一千九十一畝七分三厘八毫

原額全徵折色糧五百三十七石三斗六升八合三勺三

抄八撮該折徵銀二百六十八兩六錢八分四厘一毫六

絲九忽

原額全徵地畝折布鋪墊水脚等銀七百四十二兩九分

五厘八毫九絲九忽二微七塵五纖二渺七漠七茫九沙

原額遇閏加增閏銀四十四兩八錢六分二厘九毫八絲

三忽五微二塵七纖六渺三漠二茫九沙無閏之年例不

荔波縣志稿

十九

徵解

徵田房稅契無定額隨徵隨解

荔波縣志稿

存積

常平倉實存積備穀二千一十二石四斗四升重農穀一
十一石欽奉穀四百一十八石五斗五升

義倉存穀六百石一斗一升

遊擊庫存額設銀八百兩按時接濟兵丁待支餉時仍按
數收回存庫

荔波縣志稿

氣候

通志云都勻東南近粵嵐瘴差甚夏秋間商旅疑畏不行
霜降後乃無患今亦不甚忌其耕獲則比他處較早今驗
荔波自嘉慶以來已無瘴氣地氣極發越而近城尤甚田
家播穀未匝月秧高尺許插時須剪尖上一半插之每插

二莖猶旁發二十許莖五月插六月末即熟矣

荔波縣志稿

忌諱

農家雷忌最嚴其忌日以立春後某建日聞雷為率其月間七日次月間五日又次月並間三日其後一日為忌如正月聞雷是上辰日後逢亥即忌也其日不動鋤犂云動則犯忌必為雷擊田園雖乾極而價甘雨亦袖手聽之必栽插秧畢始不忌

農家以四月初八為牛生日不令出戶飼以烏飯余初至此郭外田自穫後犂不及十一已小滿家無秧水四月初七偕縣令禱雨城隍祠其夕達旦如注田隴水溢明日行

村乃無一人在田者問之乃更值忌雷不終日水皆滂瀉固不悔也

荔波縣志稿

選舉

舉人 陳克諫乾隆庚子朱光斗乾隆戊申武攀拔貢揚朝

凱乾隆乙酉官雲州判揚銳湛乾隆黎仲山嘉慶癸酉劉起鳳

道光緒乙酉羅新楷道王錦道光

恩歲貢 沈湖館安游應琦 蒙天錫 巫瑞乾隆庚

論教饒登月訓導寧正瑞恩官善安孫可光恩楊銳銘陸

丁吳憲和申恩隆庚陳經文訓導張耀嘉慶章登相嘉慶

訓石黃佑儒嘉慶己選鄭而亨嘉慶己官鄧道峰

西瑛懷瑣艾榮肥印董芝茂道辛曹正秀群己陳大

荔波縣志稿

鵬辭記選思曾日省配蒙錫齡肥印樹桐方正以順李棟

知事賜李國材肥未何之紀酌宣學成肆鄧南銳肥己張

書銘己王雙配羅彬顯或胡之粹咸曹之杰癸丑

荔波縣志稿

職官

知縣 尹東表 劉邦徽 王家禎明 劉荼年任 知縣

蘇潮任知縣二年 呂英任知縣三年 金明任知縣三年 趙世論任知縣

任知縣 楚來朝任知縣三年 李懷宗任知縣十四年 吳基龍任知縣

任知縣七年 吳明馨任知縣十年 蔡元禧任知縣八年 陳熙

任知縣二年 武占熊任知縣三年 楊以增任知縣四年 知縣 車

武保任知縣九年 劉樹堂任知縣十年 方聯選任知縣 署魯

壽崧任知縣四年 馮紹彭任知縣六年 蔣時諄任知縣 知縣

周虞任知縣四年 謝人龍任知縣五年 潘渭春任知縣 知縣

荔波縣志稿

和松任知縣九年 知縣 九

教官 戎輔初任 李同楷開州人 馮嘉慶開州人 楊步高嘉慶

年 嚴正道道光八年任 黃銀

典史 石思任 裴行之光緒 顧啟增光緒 劉錫紳光緒 莊光文

遊擊 李勳初任 萬安光緒 什望保 蔣光斗光緒 朱耀

陳天錫 張銳光緒

荔波縣志稿

節婦

恩貢巫璠妻朱氏 氏年二十四適璠越五年璠死翁姑俱存子女幼家貧極氏墾荒力種以撫以養翁姑卒拮据盡禮二子皆成立年八十一乃終泉使李文耕榜其門曰孝全節著

胡品金妻李氏 氏年十七歸品金越七月夫死求殉者數翁姑力慰之三月舉遺腹子撫之成立年七十一終生員張國華妻林氏 氏年十八歸國華生子書銘一歲國華元年甫二十六撫書銘成歲貢事翁姑以孝稱道光

荔波縣志稿

二五

廿四年巡撫賀題旌建坊於北門外江岸

張有貴妻鄧氏 氏而亨姪女年十七歸張夫死遺一子年甫二十二撫孤養親里閭稱之

張聖英妻胡氏 氏喪夫時年二十六歲撫子成立壽八十四終

舉人陸克謙母徐氏 氏十八夫死遺孤克謙克讓撫教皆有成克讓庠生

楊愈坤妻姚氏 氏二十一歲夫死守節

宣榮妻鄭氏 氏青年守志撫孤學仕成庠生

林洪貴妻李氏 氏青年守節撫孤成立

生員林魁秀李氏 氏青年守節

梁正員妻色氏 氏青年守節

蕭烈婦 烈婦乾隆四十五年適張姓年甫十八明年三月晨掃地出街棄穢適把總某過遽讓而左婦以為某右也亦在某又讓右婦旋亦右信母適出罵某與婦私鳴於某縣鞠之實為兩避路而各逆也令斷信母子就某謝母臨去指蕭曰吾歸必死汝婦曰上堂面已露死宜也母歸婦已自刎死父母搆訟經十餘日始棺殮面猶如生縣令李懷宗手書節烈雙清鐫石墓上

荔波縣志稿

土司

明史貴州土司傳成化十四年陳蒙爛土長官司張錦奏
天壩于賊首齋果使掠請於所侵大陳大步等寨設一司
隸安寧宣撫而豐寧長官司楊泰亦奏峯峒陸光翁等聚
爛土為亂十六年錦復奏齋果糾合豐寧荔波賊萬人攻
剽愈亟帝責諸守臣玩寇於是巡撫謝杲言自天順四年
以來諸苗攻劫舟溪等處不靖至今乃命鎮守大監張成
總兵吳經相機撫剿

明史貴州土司傳宏治二年苗賊攻圍楊安堡都指揮劉

荔波縣志稿

二十七

英統兵覘之為所困命鎮巡官往援乃得出五年命鎮遠
候顧溥率官兵八萬人巡撫郵廷瓚提督軍務太監江德
監諸軍分道進剿令熟苗詐降於賊誘令入寇伏兵擒之
直搗其巢凡破一百十餘寨以捷聞於是間置都勻府及
獨山麻哈二州

明史廣西土司傳永樂二年荔波縣民覃真保上言縣自
洪武至今人民安業惟八十二洞徭民未隸編籍今聞朝
廷加恩撫綏咸願為民無由自達乞遣使招撫乃命右軍
都督府移文都督韓觀遣人撫諭其願為民者給賜贖復
其徭役

荔波縣志稿

大事

趙世綸紀事碑明末知縣王某以諸苗不法請兵劉洗而喇軫之城廢

又紀事碑康熙二年知縣胡蒼審奉檄赴任路經水崖苗民恐其止宿騷擾糾衆兇黨群行不法官吏糧役均遭慘毒官兵即行剿洗醜類不留

通志雍正七年討都江苗十二年雲貴總督鄂爾泰謂都江一水在古州諸葛營之南由諸葛而西為上江來自都勻由諸葛營而東為下江直達廣西之柳慶沿江山峒諸

荔波縣志稿

六

苗多未歸附非用粵兵協剿難以開通乃調廣西慶協副將潘紹周永寧營參將施善元各統兵由沈江口至古州以慶遠知府徐嘉賓監紀軍務會黎平協副將趙文英溯都江而上又調桂林協副將董芳領兵由荔波縣三洞至平宇與文英等相聲援

紀事碑雍正十三年總督張廣泗提請粵西官兵駐荔波防範又紀事碑乾隆元年總督張廣泗以群苗家藏兵械檄委都勻府知府孫紹武協同都司林煥奉諭繳越二月收苗民槍刀鏢弩至萬餘

嘉慶十七年二月二十三日知縣吳名騫遊擊什望保緝

得妖人羅半仙者粵東人自嘉慶十二年以星命遊荔波
說人吉凶奇中人多附之嗣有林苑頸陳菩薩十餘人以
賭博拳棒自粵至與半仙同寓會館附和益眾設天地會
推半仙為首入會者必穿刀拜旗拈香試卦半仙披髮杖
劍坐層臺上前設香花案席插五色旗竿旁劍戟刀槍交
架入會人自外向刀光下膝行入上香九拜自供不認祖
宗父母云云取卦試之三卦皆順即收入會否則謂不誠
以刀重擊其背再試不順擊如之九試不順即殺之初去
城七八里空山中行之漸行於城中會館閱四五年兵弁
吏民及廣西流匪聚至二千餘人因謀不軌有三八二十

一十八八八秋諸隱語三八二十一洪武洪字也十八八
八秋期以十八年閏八月中秋夜破荔波城也官皆知之
計無出十七年正月巴客里巫姓以竊妻控縣緝役巫三
者會中人也偵知賊在下江約會火數十人往捕得六人
以歸令以未獲巫妻疑非確賊盡釋之賊憾巫三等甚知
彼入會例各給紅片一中載不法語巴客趙姓亦會中人
也窮極因誘買其紅片持首於古州道道飛稟藩撫檄地
方官文武密計於二月二十三日昧爽遊擊衙門聲言被
盜諸衙門各答更夫及查街役示嚴捕狀夜三鼓乃通傳
兵丁差役云已知賊所諭城上每口一塔駐兵一名不足

以健民充之有奔上城者即擒之旋圍廣東會館破門入
盡縛半仙等按其名籍搜緝城鄉自首免者無算陳菩薩
三隻眼等逃他省者月後皆被獲

道光元年二月縣民楊連美作亂知縣武占熊平之連美
方村人去年四月其子盜胡寡婦殺胡鳴於隣隣右之楊
怒毆胡胡控縣楊益怒集黨蹂胡備至遂據胡室自稱靠
山王楊林緝役不敢近至是年二月一日其黨酒酣各持
矛入丞署丞方審他訟矛戳坐几穿丞跣一足夜奔至縣
賊衆遂肆殺有仇怨者明日文武官率兵差至戰半日盡
擒之

道光二十三年六月十三日兵丁范三殺外委藍士英初
遊擊盧奎尅扣兵餉餉前革糧又署中嚴操兵多怨而無
所發適典史某出有兵丁市李街心某以為當道答之二
十子總張裕得噉兵嘗辱之而衆遂毆之街中幾斃因謀
聚衆范三其首之一也士英見而呵之因刺士英斃衆遂
縱火焚市擊鼓集衆於演武場開軍裝火藥二局將作亂
中軍宋位元往和掩諸狀飾故稟報給士英子二百金當
街火民竄時有縣吏唐文光夜走方村報縣丞吳廣之吳
即飛稟守道鎮十七日貴東道陸元娘總兵崇福總兵入
境次周情里十八日都勻知府李秀發及知縣蔣時淳上

江協副將文英計擒范三等十餘人按律解辦遊擊以下
並革職

荔波縣志稿

藝文

張廣泗議覆苗疆善後事宜疏

臣

為遵旨議奏事竊苗疆善後事宜經酌議三條其奏今於乾隆元年十二月十五日准兵部遞到大學士鄂爾泰張廷玉等寄字到臣查廷議內開一安設鎮營所添兵丁只一千三百餘名為數少覺不敷應令再行妥議等因臣查都勻府屬之荔波縣向隸廣西管轄縣治僻處山隅未建城郭雍正十年始改屬貴州其間地廣民悍甚於新疆前議安兵六百名微覺不足應再添兵二百名至荔波縣地

荔波縣志稿

三二

界周迴千餘里只有知縣一員典史一員實不敷辦理現議遷移縣治建造城垣應再設縣丞一員分駐舊縣地方

萬安改建荔波縣城記

荔波舊屬粵西於漢唐無所考宋時置土州羈縻元季明初為皮蒙雷三土司佔據正德間改土為流萬歷間建縣城於時來里喇軫村明末廢焉我朝順治十六年改建縣治於襍村雍正十年改歸黔省乾隆元年經總督貴州邵院張諱廣泗題設專營駐兵八百增縣貳遊守千把等官乾隆二年改建縣治於蒙石里全寨城中田畝房屋共給帑銀七百四十餘兩三年起工修城至四年十一月告竣

週圍五百二十六丈計費帑銀二萬一千兩謹將大略誌於城壁以便觀覽云乾隆四年歲次己未孟冬月

趙世綸建荔波縣治始末碑

荔波古百粵溪洞之地苗蠻六種聚族而居各分頭目為
峯計有十六峯即今之十六里也漢唐以前無乘志可考
宋時置荔波土州元季明初為蒙皮雷三土司割據至正
德間改流嘉靖間設縣屬粵西之慶遠府萬歷初知縣劉
君邦徽始詳請建城於時來里之喇軫村即今俗所稱舊
縣地也明末知縣王某蒞任以諸苗不法詳請剿洗而喇
軫之城廢本朝順治十六年知縣王君家珍詳請改建縣

荔波縣志稿

治於方村里之襍村招異省漢民以充役使編輯錢糧羈
磨各里而規模草率因陋就簡雖稱縣治實同村落此歷
來建治廢興因革之大略也其風俗習尚類皆家藏槍械
恣意仇殺藐玩王章輕視宰官如知縣胡君蒼睿於康熙
二年奉檄蒞任路經水岩苗民恐其止宿騷擾糾集兇黨
羣行不法官吏糧役俱遭慘毒此其兇暴之尤者也雖旋
經官兵剿洗然而自茲以後任斯邑者莫不心懷畏縮裹
足不前咸借寓於慶遠府城間有親至者皆請南州土兵
防護人視荔波為化外官自荔波為畏途所以改土已逾
二百餘年而風不能遽易俗不能遽改云雍正十年因荔

波接近貴州新闢苗疆改歸黔省隸都勻府屬十三年苗疆多事蒙總部阮張請粵西官兵駐荔防範四境藉以安謐又以苗民凶悍惟恃槍械乾隆元年復蒙總檄委都勻大守孫諱紹武協同都司林君煥奎宣揚威德諭繳兵械苗民投獻恐後閏二月而事竣槍刀鏢弩各收至萬餘乾隆二年又蒙總督部憲張於苗疆事宜案內題設荔波營駐兵八百以遊守二員千把六員統轄之復以方村縣治偏在一隅難以控制委員相度形勢得古喇軫舊縣對河之蒙石里地既適中形復寬敞而縣治基址定焉於三年八月起建城工至五年三月告竣又建立祠壇廟宇衙署

營房設學勸課演武宣威制度既已宏遠地勢又復平曠視向之草率固陋者規模為之一變從茲化行俗美政簡刑清俾偏僻苗方漸臻於變時雍之治於是焉基之其可無記以誌厥顛末揆故當其城工落成之日為之備述始末立詞於石以俟後之君子

李同楷癸酉夏致仕歸養置荔舉貢題名二額於明

倫堂兩側留別諸生

荔波古之百粵氏土著六家各相比聚族分頭十六峰即今稱為十六里漢唐以前無據考宋時曾置土州始三分旋據土司家元李明初遭割徙正德之間甫改流嘉靖設

縣粵之鄙萬歷建城喇軫村如今俗稱舊縣是國朝改置
禩村間招集羈縻充役使錢糧戶籍草規模縣治實同墟
落爾斯時土俗未還淳藏械恣殺行不軌驟熟二苗疆新
闢改歸黔一帶岷山臨劍水驍騎請兵防範漸定居繳械
輸誠迅如矢縣治偏隅控制難三違蒙石定基止基內田
房民徙費帑銀七百九十抵城工衙署廟營成興學勤農
治化起疲民敝俗豈無鳩悍習頑風洵有身江陵文學檄
臬比時瑞學或談經直欲求蒙子四名進額半鄰童二石
廩增常讓彼乾隆二十幾度魏科並遠場楚弓却拾秦人
指我來甲子今十年朝齏暮鹽味且旨舊籍滋觴清茶冒

講堂規約先行止其次文章教入鼓至竟何人能取紫且
喜人文方積盛個中一一升堂矣有為若是存乎人十室
不誣良有以科名今又是逢年科題前待後記如此

李國材時會坳觀泉

此水何其潔此山之中疑有月此水何不怠此山之中疑
有海挈香陣陣古亭虛都為此水澄清腴未有水前水何
去既有水後水何來臨流且酌一杯酒斜陽獨坐思悠哉

李國材登玉屏山

在城不覺城有樹登高滿城飛綠霧西北角闢數畝田始
見城中有餘樹一枝文筆倚長天一灣玉帶繞清漣如此

好山如此水夜哨聲吹五百年

夜哨
謔聲

饒懷清陪李似村登西峰閣九言

自願生平事事如雲烟嗜書嗜酒嗜水復嗜山每對青山
綠水飲杯酒不異吾書陳列眼之前捧岷城西有閣魏聳
其外流水浩淼山蟬娟我來一登絕頂最高處勝跨遼東
老鶴身騰翥村醪野菽一皆佳味飲如長鯨張口吸百
川我亦酒中之龍詩中虎欲攜謝朓驚人句問天起看夕
陽在山風吹水歸來更讀前人紀遊篇李侯李侯我已仙
乎仙

李國材重到栖雲館

荔波縣志稿

三六

梯雲久別臥雲身再到人如隔世人庭草已延他徑蔓山
花未似昔年春幾行題墨殘將盡多半書童認不真惟有
滄洄一溪水當門依舊碧鄰鄰鄰鄰

譚德輝遊白崖洞

一壁巉巖一洞天探幽有客同推船秋高木石撐寒骨浪
靜蛟龍足隱眠是色是空語證果無烟無火即神仙遊人
遊人
僧雄 餽我來欲得明珠借舉向人問暗處洞內有
明珠常現

董世茂送邑侯蔣屋坪去任

一樽魯酒餞行旌秋雨揚帆出荔城他日思時勞遠望五
雲深處有先生使君借我應還我若輩思鳴再擇鳴料得

棧坊明月夜小園回首定關情公時遊

李國材遊象郡過東江

酒味淡如水人言紛似屨先生留不得策馬過東江

譚德輝答友人問久不出山

花間兔句斟紅友松下觀木掃綠苔也念良朋風雨夕雲
封無路山出來

宣學成春感

東望望春春欲歸柳絲橫渡挽春暉相思好似同年妹打
起鴛鴦何處飛